

Մաքսապետն Իպրահիմ Ալա, որ նստէր 'ի Յուպէ, գրեաց յերուսաղէմ առ միաբանս Հայոց եւ Յունաց, ընդունել երկաքանչիւրոց 50 քսակ փոլիցա, և փութով տալ փոխանակագիր: Յոյնք անյապաղ կատարեցին զհրաման նորին, և ետուն գիր 50 քսակի: Իսկ Հայք ոչ ընկալան զայն, և աղերսագրով դարձուցին յետս, առաջի եղեալ զանբաւականութիւն իւրեանց: զի ազգայինք Կոստանդինուպօլսոյ ճանճրացեալ յերեսաց փոխանակագրոց, պատուիրեալ էին չընդունել այլ եւս: Մակայն մաքսապետն առանց բանալոյ զգիրն դարձոյց յետս: Հայք վերստին առաքեցին զայն առ նա 'ի ձեռն բարեկամի միոյ: Եւ նորա առեալ զգիրն լի բարկութեամբ և ցամամբ մեծաւ ընկէց արտաքս, և նախատական բանիւք անարգեաց զագգն ողջոյն, և եղ 'ի բանտի գտեսուչն վանաց Յուպէի զվազար վարդապետ, սպառնացեալ նմա տալ ըմպել զհարուածս գաւազանաց 1000, և նորա երկուցեալ անկաւ անդ սըրտարեկ: Իսկ ոմանք յայլազգեաց իբր բարեկամ գրեցին գիր յորդորական, և եղին 'ի նմա զգիրն զայն եւ առաքեցին յերուսաղէմ՝ հարկադրելով զմիաբանն ընդունիլ և տալ զփոխանակագիրն: զի եթէ ոչ կամիք ասէն, ունկն մատուցանել խրատուց մերոց: անպարտ եմք ապագայ չարեացն, որք ունին հասանիլ 'ի գլուխս ձեր: Գրեաց առանձին և Ղազար վարդապետ զամենայն անցս, զոր անցոյց ընդ նա մաքսապետն: Այլ միաբանք Հայոց գրեցին գիր և ընդ նմին առաքեցին զայնոսիկ գրեանս 'ի Կոստանդինուպօլիս 'ի ձեռն սուրհանդակի, զի թերեւս կարացեն գտանել անտի օգնութիւն (1798):

